

Միխայելովկա

Մակերես՝ 20.944կմ²

Բնակչություն՝ 661

Տնային տնտեսությունների թիվը՝ 232:

Գյուղ Տաշիրի տարածաշրջանում, Տաշիր քաղաքից 7կմ հյուսիս-արևելք, մարզկենտրոնից գտնվում է 59 կմ հեռավորության վրա:

Գյուղը հիմնադրվել է 1870-ական թվականներին : Սկզբնական բնակիչները եղել են մոլուկանները: 1953թ.-ից այստեղ բնակվել են ադրբեջանցիները, 1988թ.-ից հետո՝ ադրբեջանաբնակ հայ փախստականները և շրջակա գյուղերի վերաբնակիչները:

Բարձրությունը ծովի մակարդակից 1520 մետր: Կլիման բարեխառն է, ձմեռը երկարատև ու ցրտաշունչ, ամառը զով: Հաճախ են երկարատև անձրևները և կարկտահարությունը:

Գյուղատնտեսական նշանակության հողերը՝ 1820,4 հա, որից՝ 1052,2 հա վարելահող, 441,5հա խոտհարք, 270,8 հա արոտ:

Ոռոգման ջուր չունենալու պատճառով համայնքը դժվարանում է կազմակերպել գյուղ. մթերքների արտադրությունը: Հիմնականում զբաղվում են ցորենի, գարու, ամվույտի, կարտոֆիլի, կաղամբի եւ այլ բանջարա-բոստանային կուլտուրաների արտադրությամբ:

Անասնապահությամբ զբաղվողներն արտադրում են կաթ, միս, բուրդ, ձու, մեղր: Երաշտի տարիներին անասնապահության բնագավառում առաջանում են դժվարություններ՝ խոտի եւ խտացված կերի անբավարարվածության պատճառով դժվարանում է անասունների մսուրային շրջանի կազմակերպումը:

Գյուղն ունի միջնակարգ դպրոց, մշակույթի տուն, բուժկետ, կապի հանգույց: Անմխիթար վիճակում է համայնքի խմելու ջրի ներքին ցանցը, որն անհապաղ վերանորոգման կարիք ունի:

Համայնքի հիմնախնդիրների մեջ կարևորվում են դպրոցի մի մասնաշենքի հիմնանորոգումը, խմելու ջրագծերի ներքին ցանցի վերանորոգումը, գյուղատնտեսական մթերքների իրացումը, միջհամայնքային և գյուղամիջյան ճանապարհների վերանորոգումը: